



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Virtutibus Moralibus, De Justitia Et Jure Et De
Contractibus

Antoine, Paul-Gabriel

Ingolstadii, MDCCXXXIII.

VD18 90392159

Q. 20. An & cui restituenda sunt bona vacantia & derelicta?

urn:nbn:de:hbz:466:1-40993

tuere in pristinum statum, cùm eum ab eo non detruserit saltem culpabiliter: unde nec tene-
tur lucrum cessans, aut dñnum emergens,
compensare. 3. Juxta multos non tenetur re-
stituere fructus naturales, & mixtos, quos
bona fide, & cùm titulo colorato possedit per
triennium, etiamsi inde factus sit ditior: quia
res mobiles præscribuntur triennali possefio-
ne cum titulo colorato. *Instit. de Ius cap.*

Hinc possessor bonæ fidei tenetur tantum
restituere rem alienam, & eius fructus, vel id,
in quo factus est ditior ex re, aut fructibus e-
ius naturalibus, vel mixtis.

Q. 20. An, & cui restituenda sunt bona va-
cantia, & derelicta?

Resp. I. Bona vacantia, id est, bona quæ re-
linquit aliquis ab intestato decedens sine hæ-
redibus, qui secundum legem ei ab intestato
succedant, restitui debent fisco, quia ad fiscum
pertinent, I. 4. Cod. *De bon. vac.* Bonatamen
mobilia vacantia peregrinorum in pios usus
per Episcopum impendi debent, ex Autent.
Omnes peregrini. Cod. de Success.

Resp. II. Bona derelicta, vel quæ nullum
unquam habuere Dominum, jure naturæ, &
gentium sunt inventoris; nam cùm nullius
sint, sicut primò occupantis; nisi aliter leges
speciales statuant, ex. *Instit. de rer. divis.* & l. i.
ff. pro derelicto. Bona autem derelicta sunt
ea, quæ Dominus eo animo abjecit, ut jam
esse

esse sua nolit. *Instit.* Hinc bona naufragorum, vel bona, quæ per incendium ejiciuntur, aut in tempestate projiciuntur, levandæ navis causâ, aut eluvione aquarum abripiuntur, non sunt habenda pro derelictis; quia Dominus semper retinet voluntatem illa habendi ut sua; unde ei restitui debent etiamsi à periculo eripueris alias peritura, ex *Instit. derer. divis.* & l. 18. Cod. *Défurtis*, & ex cap. 3 *Deraptor.* & ex Bullis Julii II. & Pauli III. Quia salva facta sunt Domino suo, qui semper habuit voluntatem, ut ad se reverterentur, res enim sive in periculo, sive extra periculum semper est Domini sui.

Q. 21. *An ḡ cui restitui debent bona inventa, ḡ bona, ac debita incertā?*

Not. Bona, ac debita incerta dicuntur ea, quorum Dominus, vel creditor, vel ejus hæres cognosci, vel inveniri nequit post diligentem inquisitionem, quæ judicio prudenti sufficiat pro rei gravitate. Hinc non sunt incerta, dum constat ea deberi certæ communitatí, vel majori ejus parti. Item conservari debent, quamdiu est spes Dominum inveniendi. *Quod si dubitetur solum, cui ex pluribus res debeatur, tunc si dubium prudenter resolvi nequit, inter illos ex æquo dividi debet juxta quantitatem dubii, ut servetur æqualitas.*

Résp. I. Bona aliena inventa, quorum Dominus, vel ejus hæres post diligentem inqui-

sitio-